



Reykjavík, 14. janúar 2026
SFS22020013

Borgarráð
Ráðhús Reykjavíkur

Samkomulag UNICEF á Íslandi og skóla- og frístundasviðs Reykjavíkurborgar vegna verkefnisins Réttindaskóli og -frístund UNICEF og Réttindaskóli UNICEF á leikskólastigi

Á fundi skóla- og frístundaráðs þann 12. janúar 2026 var lagt fram samkomulag UNICEF á Íslandi og skóla- og frístundasviðs Reykjavíkurborgar vegna verkefnisins Réttindaskóli og -frístund UNICEF og Réttindaskóli UNICEF á leikskólastigi ásamt minnisblaði sviðsstjóra skóla- og frístundasviðs, dags. 6. janúar 2026, um samkomulagið.

Erindið var samþykkt og vísað til borgarráðs.
Erindinu er hér með vísað til borgráðs

Virðingarfyllt

Steinn Jóhannsson
sviðsstjóri skóla- og frístundasviðs

Hjálagt:
Minnisblað, dags. 6. janúar 2026
Samkomulag Unicef og skóla- og frístundasviðs



Reykjavík, 6. janúar 2026
SFS22020013

MINNISBLAÐ

Viðtakandi: Skóla- og frístundaráð

Sendandi: Steinn Jóhannsson, sviðsstjóri skóla- og frístundasviðs

Efni: Réttindaskóli, Réttindafrístund og Réttindaleikskóli staða innleiðingar á Barnasáttmálanum í starfi skóla- og frístundasviðs í samvinnu við UNICEF

Alþingi Íslands lögfesti samning Sameinuðu þjóðanna um réttindi barnsins í mars 2013. Í tilefni lögfestingarinnar skipaði borgarstjóri Reykjavíkur starfshóp. Markmið með stofnun starfshópsins var samkvæmt erindisbréfi að tryggja að öll starfsemi Reykjavíkurborgar taki mið af þeim skuldbindingum sem leiða af lögfestingu samnings Sameinuðu þjóðanna um réttindi barnsins. Hlutverk hópsins var að vinna samantekt á þeim þáttum í stjórnslu og þjónustu Reykjavíkurborgar sem snúa að skuldbindingum sem leiða af lögfestingu barnasáttmálans. Í erindisbréfi var vísað til samþykktar tillögu borgarstjórnar á fundi borgarráðs þann 4. september 2014.

Meðal tillagna sem starfshópurinn lagði fram var mikilvægi markvissrar fræðslu fyrir starfsfólk, kjörna fulltrúa og borgarbúa með sérstaka áherslu á börn. Einnig að innleiðing sáttmálans hjá Reykjavíkurborg hefjist sem fyrst og innleiðingaráætlun taki mið af því að hægt sé að fagna stórum áfanga á 30 ára afmæli barnasáttmálans árið 2019. Innleiðingin taki mið af reynslu annarra þjóða og þekkingu sem þegar er til, m.a. á vegum UNICEF, þar sem til er innleiðingaráætlun sem sniðin er að sveitarfélögum undir heitinu Barnvænt samfélag (e. Child Friendly Cities).

Starfshópur um aukið lýðræði barna og ungmenna í skóla- og frístundastarfi skóla- og frístundasviðs var skipaður í mars 2016 og skilaði skýrslu í júní 2016. Meðal tillagna hópsins var að hefja markvissa innleiðingu Barnasáttmálans í öllu starfi á vegum skóla- og frístundasviðs m.a. með því að fara í aukið samstarf við UNICEF um vinnu við Réttindaskóla barna gera áætlun um fyrirkomulag þeirrar vinnu.

Réttindaskólinn er vinnulíkan fyrir skóla- og frístundastarf sem tekur mið af samningi Sameinuðu þjóðanna um réttindi barnsins og miðar að því að auka virðingu, vernd og innleiðingu mannréttinda. Skólar og frístundaheimili og félagsmiðstöðvar sem vinna eftir líkaninu leggja sáttmálann til grundvallar í starfi sínu, skipulagningu, stefnumótun og starfsháttum. Áhersla er lögð á að skapa umhverfi sem byggist á þátttöku, jafnrétti og virðingu. Markmið Réttindaskólans er að byggja upp lýðræðislegt umhverfi með því að rækta með markvissum hætti þekkingu, leikni og viðhorf sem hjálpa börnum að



verða gagnrýnir, virkir og hæfir þátttakendur í nútíma samfélagi. Laugarnesskóli og frístundaheimilið Laugasel hlutu viðurkenningu UNICEF sem Réttindaskóli og Réttindafrístundaheimili vorið 2017 og 18. maí 2018 hlutu Laugalækjarskóli, félagsmiðstöðin Laugó og frístundaheimilið Dalheimar viðurkenningu UNICEF sem Réttindaskóli, Réttindafrístundaheimili og Réttindafélagsmiðstöð og er það í fyrsta sinn í heiminum sem UNICEF veitir félagsmiðstöð slíka viðurkenningu.

Eftirfarandi frístundaheimili og félagsmiðstöðvar í Reykjavík þegar hlotið viðurkenningu sem Réttindaskólar og Réttindafrístund UNICEF:

- Laugarnesskóli, frístundaheimilið Dalheimar og frístundaheimilið Laugarsel fengu viðurkenningu sem Réttindaskóli og Réttindafrístund árið 2017, endurmat 2020, endurmat 2023 og endurmat 2025.
- Laugarlækjarskóli og félagsmiðstöðin Laugó fengu viðurkenningu 2018, endurmat 2021 og endurmat 2025
- Vesturbæjarskóli og frístundaheimilið Skýjaborgir fengu viðurkenningu 2019, endurmat 2022 og endurmat 2025
- Melaskóli og frístundaheimilið Selið fengu viðurkenningu 2019 og endurmat 2023
- Hagaskóli og félagsmiðstöðin Frosti fengu viðurkenningu 2019.
- Grandaskóli og frístundaheimilið Undraland fengu viðurkenningu 2019 og hófu innleiðingu að nýju haustið 2024 stefna á endurmat 2026.
- Frístundaheimilið Frostheimar fengu viðurkenningu 2019 og endurmat 2023 og stefna á endurmat 2026.
- Engjaskóli og frístundaheimilið Brosbær fengu viðurkenningu 2023 og stefna á endurmat 2026.
- Borgaskóli og frístundaheimilið Hvergiland fengu viðurkenningu 2023 og stefna á endurmat 2026.
- Háteigsskóli, félagsmiðstöðin 105 og frístundaheimilið Halastjarnan fengu viðurkenningu 2024 og stefna á endurmat 2027.
- Breiðagerðisskóli, frístundaheimilið Sólbúar stefnir á viðurkenningu 2026.
- Hólabrekkuskóli, félagsmiðstöðin Hundraðogellefu, frístundaheimilið Álfheimar og frístundaheimilið Hraunheimar stefna á viðurkenningu 2026.
- Hvassaleitisskóli, frístundaheimilið Krakkakot og félagsmiðstöðin Tónabær stefna á viðurkenningu 2026.
- Víkurskóli og félagmiðstöðin Vígyn stefna á viðurkenningu 2026.
- Húsaskóli og frístundaheimilið Kastali stefna á viðurkenningu 2026.
- Hamraskóli og frístundaheimilið Simbað stefna á viðurkenningu 2026.
- Rimaskóli, félagsmiðstöðin Sigyn og frístundaheimilið Tígribær, stefna á viðurkenningu 2026.

Lagt er til að eftirfarandi grunnskólar, frístundaheimili og félagsmiðstöðvar hefji innleiðingu á næstu fimm árum: Austurbæjarskóli, 100&1, Draumaland, Langholtsskóli, Þróttheimar, Glaðheimar, Álftamýrarskóli, Tónabær, Álftabær, Hlíðaskóli, Gleðibankinn, Eldflaugin, Ingunnarskóli, Stjörnaland, Fókus, Sæmundarskóli, Fjósið,



Fellið, Dalskóli, Úlfabyggð, Plútó Árbæjarskóli, Ársel, Töfrasel, Ártúnsskóli, Skólasel, Selásskóli, Víðisel, Norðlingaskóli, Holtið, Klapparholt, Fellaskóli, Vínafell, Breiðholtsskóli, Bakkasel, Bakkinn Ölduselsskóli, Vínaheimar, Regnboginn, Seljaskóli, Hólmasel, Vínasel, Klébergsskóli, Kátakot, Flógyn, Klettaskóli, Askja, Gulahlíð, Hekla og Brúarskóli. Hagaskóli, Frosti, Melaskóli og Selið. Foldaskóli, Fjörgyn og Regnbogaland. Vogaskóli, Vogasel og Buskinn. Réttarholtsskóli og Bústaðir.

Réttindaskólar UNICEF á leikskólastigi

Fimm leikskólar í Reykjavík; Laugasól, Vinagerði, Ungbarnaleikskólinn Bríetartúni, Gullborg og Ævintýraborg við Eggertsgötu sem fengu viðurkenningu sem Réttindaskólar UNICEF á leikskólastigi vorið 2024, stefna á endurmat 2027. Undanfarin ár hafa UNICEF á Íslandi, Háskóli Íslands, SFS og þessir 5 leikskólar unnið að því að aðlagja Réttindaskóla UNICEF að leikskólastarfinu. Þróunarverkefnið náði til þriggja ára og hefur styrk úr B-hluta þróunarsjóðs til eins árs. Eitt ár er eftir af þróunarverkefninu. Engar greiðslur hafa verið til UNICEF þar sem lítið er á þetta verkefni sem “pilot” verkefni.

Leikskólarnir Lyngheimar, Hálsaskógur og Sunnuás hófu innleiðingu Réttindaskóla UNICEF á leikskólastigi haustið 2024 og stefna á viðurkenningu 2026. Eftirtaldir leikskólar eru að hefja innleiðingu; Bjartahlíð, Klambrar, Jöklaborg, Berg og Nóaborg og stefna á viðurkenningu 2027.

Lagt er til að allir leikskólar skóla- og frístundasviðs innleiði verkefnið Réttindaskóli UNICEF á leikskólastigi á næstu árum.

Samkvæmt meðfylgjandi samningi við UNICEF vegna innleiðingar Réttindaskólar UNICEF á leikskólastigi árið 2025 er kostnaður skóla- og frístundasviðs 2.837.500 kr. og rúmast kostnaðurinn innan fjárheimilda sviðsins.



Samkomulag UNICEF á Íslandi og skóla- og frístundasviðs Reykjavíkurborgar vegna verkefnisins Réttindaskóli og -frístund UNICEF og Réttindaskóli Unicef á leikskólastigi

UNICEF Ísland, kt. 481203-2950 og skóla- og frístundasvið Reykjavíkurborgar, kt. 530269-7609, hér eftir nefnd UNICEF og SFS, hafa gert með sér eftirfarandi samkomulag.

UNICEF á Íslandi og Skóla- og frístundasvið Reykjavíkurborgar lýsa því yfir og eru sammála um að ganga til samstarfs um framkvæmd verkefnisins Réttindaskóli UNICEF á leikskólastigi á Íslandi í eftirfarandi leikskólum borgarinnar: *Klambrar, Jöklaborg, Bjartahlíð, Nóaborg og Berg haustið 2025.*

Leikskólarnir munu innleiða verkefnið Réttindaskóli UNICEF sem þýðir að þeir samþykkja að nota Barnasáttmálann sem viðmið og leiðarstef í starfi sínu. Barnasáttmállinn verður þannig nýttur í gæðastjórnun við stefnumótun og þjónustu í samræmi við réttindi barna. Framvinda verkefnisins verður í nánú samstarfi við UNICEF og með tilliti til aðstæðna á hverjum leikskóla.

Framkvæmd verkefnisins er í höndum leikskólastjórnenda þeirra leikskóla sem hefja innleiðingu á verkefninu með stuðningi UNICEF, sbr. viðauka við samkomulag þetta. Aðilar samningsins lýsa með undirritun sinni yfir vilja sínum og ætlun að viðhafa gott samstarf með réttindi barna á vettvangi skóla- og frístundastarfs að leiðarljósi.

Ef upp kemur ágreiningur vegna samkomulags þessa skulu aðilar reyna að leysa hann í sátt. Kjósi aðilar að fara með deiluna fyrir dómstóla skal málið rekið fyrir Héraðsdómi Reykjavíkur.

Verði um verulegar vanefndir að ræða á skyldum annars hvors samningsaðila skv. samningnum er gagnaðila heimilt að rifta samningnum og/eða krefjast endurgreiðslu, án frekari fyrirvara eða aðvarana.

Áður en til riftunar kemur skal samningsaðili þó hafa skorað á gagnaðila að bæta úr vanefndinni innan hæfilegs frests, sem skal að öllu jöfnu ekki vera lengri en 14 dagar.

Heildarkostnaður fyrir allar starfstöðvarnar vegna verkefnisins er **2.837.500 kr.** í samræmi við kostnað sem tilgreindur er í viðauka við samkomulagið.

Greiðslur vegna samningsins fara fram við undirritun samningsins.

Samningur þessi tekur gildi þann 1. september 2025 og gildir til 31. júní 2028 og fellur þá úr gildi án sérstakrar uppsagnar. Gerður er fyrirvari af hálfu skóla- og frístundasviðs um að fjárveitingar skóla- og frístundasviðs eru ákveðnar með fyrirvara um fjárheimildir samkvæmt fjárhagsáætlun á hverju ári eftir fyrsta ár samningsins.

Samningurinn er uppsegjanlegur af hálfu beggja samningsaðila með fjöggra mánaða fyrirvara og miðast uppsögn við mánaðarmót.

Samningur þessi er undirritaður með fullgildri rafrænni undirskrift í samræmi við ákvæði laga nr. 55/2019 um rafræna auðkenningu og traustþjónustu fyrir rafræn viðskipti og reglugerð (ESB) 910/2014 um sama efni. Með undirritun ábyrgjast viðkomandi einstaklingar jafnframt að þeir hafi umboð til að skuldbinda aðila, með þeim hætti sem samningurinn gerir ráð fyrir.

Reykjavík, [dags. undirritunar] 2026

f.h. UNICEF á Íslandi

Birna Þórarinsdóttir

Framkvæmdarstjóri UNICEF á Íslandi

f.h. skóla- og frístundasviðs Reykjavíkurborgar

Steinn Jóhannsson

Sviðsstjóri skóla- og frístundasviðs

Viðauki I við samkomulag UNICEF á Íslandi og skóla- og frístundasviðs vegna verkefnisins Réttindaskóli og -frístund UNICEF og Réttindaskóli UNICEF á leikskólastigi

Tilgangur verkefnis og kostnaður

Í kjölfar þess að Alþingi lögfesti Barnasáttmála Sameinuðu þjóðanna hefur umræðan um hlutverk og ábyrgð íslenskra sveitarfélaga við innleiðingu sáttmálans aukist. Barnaréttarnefnd Sameinuðu þjóðanna hefur meðal annars bent á að sveitarfélög séu órjúfanlegur þáttur við innleiðingu sáttmálans. Þótt aðildarríki Barnasáttmálans beri höfuð ábyrgð á að uppfylla skuldbindingar hans, bera sveitarfélög ábyrgð á stærsta hluta þeirra verkefna sem hafa beina tengingu við daglegt líf barna. Innleiðing Barnasáttmálans er því háð áhuga og þátttöku sveitarfélaga.

Alþingi Íslands lögfesti samning Sameinuðu þjóðanna um réttindi barnsins (hér eftir Barnasáttmálinn) í mars 2013. Í tilefni lögfestingarinnar skipaði borgarstjóri Reykjavíkur starfshóp. Markmið með stofnun starfshópsins var samkvæmt erindisbréfi að tryggja að öll starfsemi Reykjavíkurborgar taki mið af þeim skuldbindingum sem leiða af lögfestingu Barnasáttmálans. Hlutverk hópsins var að vinna samantekt á þeim þáttum í stjórnsýslu og þjónustu Reykjavíkurborgar sem snúa að skuldbindingum sem leiða af lögfestingu Barnasáttmálans. Í erindisbréfi var vísað til samþykkrar tillögu borgarstjórnar á fundi borgarráðs þann 4. september 2014. Meðal tillagna sem starfshópurinn lagði fram var mikilvægi markvissrar fræðslu fyrir starfsfólk, kjörna fulltrúa og borgarbúa með sérstaka áherslu á börn. Einnig að innleiðing sáttmálans hjá Reykjavíkurborg hefjist sem fyrst og innleiðingaráætlun taki mið af því að hægt sé að fagna stórum áfanga á 30 ára afmæli Barnasáttmálans árið 2019. Innleiðingin taki mið af reynslu annarra þjóða og þekkingu sem þegar er til, m.a. á vegum UNICEF, þar sem til er innleiðingaráætlun sem sniðin er að sveitarfélögum undir heitinu Barnavænt sveitarfélag (e. Child Friendly Cities Initiatives (CFCI)). Starfshópur um aukið lýðræði barna og ungmenna í skóla- og frístundastarfi skóla- og frístundasviðs var skipaður í mars 2016 og skilaði skýrslu í júní 2016. Meðal tillaga hópsins var að hefja markvissa innleiðingu Barnasáttmálans í öllu starfi á vegum skóla- og frístundasviðs m.a. með því að fara í aukið samstarf við UNICEF um vinnu við Réttindaskóla- og frístund og áætlun um fyrirkomulag þeirrar vinnu.

Réttindaskólar og -frístund UNICEF og Réttindaskóli UNICEF á leikskólastigi er verkefni fyrir skóla- og frístundastarf sem tekur mið af Barnasáttmálanum og miðar að því að auka virðingu, vernd og innleiðingu mannréttinda. Leik- og grunnskólar, frístundaheimili og félagsmiðstöðvar leggja sáttmálan til grundvallar í öllu starfi sínu; skipulagningu, stefnumótun og starfsháttum. Áhersla er lögð á að skapa umhverfi sem byggir á þátttöku, jafnrétti og virðingu.

Markmið verkefnisins sem byggja á Barnasáttmálanum.

- 1. Aukin þekking á réttindum barna**
- 2. Aukin þátttaka barna**
- 3. Betri greining á stöðu réttinda barna**
- 4. Aðgerðir sem bæta aðstæður barna**
- 5. Samstarf skóla, frístundaheimila, félagsmiðstöðva og annarra aðila í nærsamfélagi barna**

Markmið Réttindaskóla og -frístundar og Réttindaskóla á leikskólastigi er að byggja upp lýðræðislegt umhverfi með því að rækta með markvissum hætti þekkingu, leikni og viðhorf sem hjálpa börnum að verða gagnrýnir, virkir og hæfir þátttakendur í nútímasamfélagi. Barnasáttmálinn er útgangspunktur allra ákvarðana í skóla- og frístundastarfi auk þess sem réttindi barna endurspeglast í samskiptum barna, ungmennta, kennara, frístundaráðgjafa og annarra starfsmanna.

Á sama tíma og innleiðing Réttindaskóla- og frístund Réttindaskóla á leikskólastigi gengur út á að skapa lýðræðislegt umhverfi styður það einnig við ferla sem þegar eru til staðar innan skóla- og frístundastarfs, sem byggja m.a. á lögum um grunnskóla, lögum um leikskóla, lögum um barnavernd, aðalnámskrá, skólanámskrá, viðmið um gæði í frístundastarfi, stefnumótun í æskulýðsmálum, jafnréttis- og forvarnastefnum.

Samkvæmt íslenskum grunnskólalögum (nr. 92/2008) og aðalnámskrá (2011/2013), bera skólar ekki einungis ábyrgð á því að tryggja að börn á Íslandi fái menntun í hefðbundnum kennslufögum, heldur eiga þeir jafnframt að vera uppspretta þekkingar um mannréttindi. Í lögnum segir meðal annars að hver sá sem starfi innan skóla eigi að efla, miðla og tryggja virðingu fyrir mannréttindum og að menntun eigi að taka mið af þessum réttindum. Almenn ákvæði grunnskólalaganna falla undir starfsemi frístundaheimila. Samkvæmt lögum um leikskóla (90/2008) er eitt af megin markmiðum leikskóla að veita skuli börnum umönnun og menntun, búa þeim hollt og hvetjandi uppeldisumhverfi og örugg náms- og leikskilyrði. Einnig er kveðið á um að leikskólinn skuli stuðla að og móta af umburðarlyndi og kærleika, jafnrétti og lýðræðislegu samstarfi, ábyrgð, umhyggju og virðingu fyrir manngildum.

Í almennum hluta aðalnámskrár er gerð grein fyrir sex grunnþáttum íslenskrar menntunar (læsi, sköpun, heilbrigði og velferð, lýðræði og mannréttindi, sjálfbærni og jafnrétti). Einn umræddra þátta, lýðræði og mannréttindi, undirstrikar þá áherslu sem lögð er á mannréttindafræðslu og að skólarnir búi börn undir að verða virkir þátttakendur í lýðræðislegu samfélagi. Þó að grunnþættirnir séu settir fram sem sex ólíkir þættir, tengjast þeir innbyrðis og eru háðir hver öðrum. Sem dæmi má nefna að ekki getur orðið virkt lýðræði án þess að stuðlað sé að jafnrétti í þjóðfélaginu; mannréttindi verða ekki tryggð nema stuðlað sé að heilbrigði og velferð. Í sjálfbærni felst virðing fyrir umhverfinu, ábyrgð, heilbrigði, lýðræðislegum vinnubrögðum og jafnrétti. Það má því segja að með innleiðingu hugmyndafræði Réttindaskóla felist mörg tækifæri til að vefa grunnþætti námskrárinnar inn í starf skóla og styrkja þannig samspil á milli aðalnámskrárinnar og skólastarfs.

Þegar skóli, leikskóli, frístundaheimili eða félagsmiðstöð hefja innleiðingu Réttindaskólaverkefnisins þýðir það ekki að nýtt sjónarhorn bætist við verkefnalistann, heldur að skapaður sé rammi utan um hin ólíku sjónarhorn, stefnur og gildi sem nú þegar er verið að vinna með. Réttindaskóli og -frístund og leikskóli er því heildarmynd sem krefst þess að starfsfólk og börn vinni saman að aukinni virðingu fyrir mannréttindum í öllu starfi skóla, frístundaheimilis, félagsmiðstöðvar og leikskóla.

Þannig er verkefnið Réttindaskóli og -frístund UNICEF og Réttindaskóli UNICEF á leikskólastigi bæði hugmyndafræði og hagnýtt verkefni sem miðar að því að auka virðingu, vernd og framkvæmd mannréttinda.

Heildarskólanálgun

Í Réttindaskóla og -frístund UNICEF og Réttindaskóla á leikskólastigi notum við hugtakið heildarskólanálgun (e. Whole School Approach) til þess að skýra hugmyndafræði verkefnisins, en hún skiptist í fjögur skref sem lýsa heildrænni nálgun á innleiðingu réttinda barna í skóla- og frístundastarfið.

Fyrsta skref er að börnin njóti þeirra réttinda að mennta sig. AÐ LÆRA ERU RÉTTINDI
Skref tvö er að börn og fullorðin þekki og læri um réttindi barna. AÐ LÆRA UM RÉTTINDI

Í skrefi þrjú læra börn um réttindi sín í umhverfi sem styður við réttindi þeirra. AÐ LÆRA Í RÉTTINDA
UMHVERFI

Lokaskrefið er að börn iðki réttindi fyrir sig sjálf og aðra. AÐ LÆRA AÐ IÐKA RÉTTINDI

Reynslan sýnir að heildarskólamiðaðar nálganir, þar sem réttindi barna koma við sögu í daglegum rekstri, virkni og anda skólans, eru skilvirkari og sjálfbærari en þegar réttindi barna eru aðeins til umfjöllunar í ákveðnum kennslustundum, stökum fyrirlesturum eða verkefnum og viðburðum sem eru haldnir gagnert til að fjalla um réttindi barna.

Djúpur og rótgróinn skilningur allra hagsmunaaðila á réttindum barna skilar sér inn í alla anga skólastarfsins en til þess þarf að fræða allt starfsfólk, kennara, stjórnendur sem og börnin og fjölskyldur þeirra.

Það tekur tíma að innleiða heildarskólanálgun því ekki er einungis verið að tala um hvað er kennt, heldur hvernig er kennt og í hvaða umhverfi.

Innleiðingarskrefin

Innleiðingarferlið felst í nokkrum skrefum sem gera starfsfólki kleift að innleiða hugmyndafræði Réttindaskólans með einföldum og markvissum hætti. Innleiðingarferlið byggir á reynslu UNICEF í Bretlandi og Svíþjóð er staðfært og í stöðugri þróun af UNICEF á Íslandi. Frekari útlistun á innleiðingarferlinu og hugmyndafræði verkefnisins má finna í Handbók Réttindaskóla og -frístundar UNICEF og handbók Réttindaskóla á leikskólastigi.

Að byggja upp grunninn

- Skólar, frístundaheimili og félagsmiðstöðvar og leikskólar undirrita samning við SFS og UNICEF
- Umsjónarmenn skipaðir frá öllum starfsstöðvum
- Fulltrúar frá skóla, leikskóla, frístundaheimili og félagsmiðstöð sækja vinnustofur á vegum UNICEF
- Verkefnið, hugmyndafræðin og námsskrá Réttindaskóla- og frístundar og Réttindaskóla á leikskólastigi kynnt fyrir kennurum og starfsfólki skólans
- Áætlun gerð varðandi námskeið (hvenær eru námskeið tekin? Starfsdagar eða á annan hátt?)
- Umsjónarmenn, stjórnendur og réttindaráð sitja námskeið og sækja fræðslu samkvæmt námsskrá Réttindaskóla og -frístundar og Réttindaskóla á leikskólastigi.
- Kennarar komnir með verkefnahandbók Réttindaskóla.
- Verkefnið kynnt fyrir starfsfólki, börnum og foreldrum
- Bréf sent á alla foreldra.
- Tímalína innleiðingar skýr.
- Réttindaráð kynnt fyrir starfsfólki, börnum og foreldrum.
- Réttindaráð stofnað og reglulegur fundatími festur.
- Umsjónarmenn fara yfir markmið réttindaráðs og helstu verkefni með ráðinu.
- Umsjónamannafundur komnir í dagatalið.

Stöðumat

- Stöðukönnun barna (þekking á réttindum)
- Stöðukönnun starfsfólks (þekking á réttindum)
- Öryggiskönnun barna (skóli, frístundaheimili og félagsmiðstöð, leikskóli)
- Aðgengiskönnun barna (skóli, frístundaheimili og félagsmiðstöð, leikskóli)
- Tilkynna UNICEF að stöðumati sé lokið
- Umsjónarmenn taka á móti gögnum úr stöðumati frá UNICEF
- Gögn borin undir réttindaráð - forgangsöröðun verkefna hefst fyrir aðgerðaáætlun
- Aðgerðaáætlun
- Aðgerðaáætlun unnin með Réttindaráði út frá niðurstöðum stöðumats. Stjórnandi og tengiliðir í leikskóla vinna aðgerðaráætlun.
- Ábyrgðaraðilar meðvitaðir um verkefnin
- Aðgerðaáætlun samþykkt af stjórnendum
- Aðgerðaáætlun samþykkt af UNICEF
- Allar aðgerðir í aðgerðaáætlun tengdar við réttindi barna og markmið Réttindaskóla og -frístundar og Réttindaskóli á leikskólastigi.
- Auðlesin útgáfa af aðgerðaáætlun aðgengileg á heimasíðu skólans
- Aðgerðaáætlun kynnt af réttindaráði fyrir öðrum börnum
- Innleiðing
- Á þessum tímapunkti er verkefnið komið vel af stað. Allt starfsfólk hefur sótt a.m.k. eitt námskeið á UNICEF Akadémíunni og börn og foreldrar hafa fengið tækifæri til þess að fræðast um markmið innleiðingarinnar. Réttindaráðið hefur farið yfir niðurstöður stöðumats og aðgerðaáætlun tilbúin og samþykkt af stjórnendum og UNICEF. Þá er tími til að framkvæma og vinna markvisst að umbótum.
- Aðgerðaáætlun framkvæmd.
- Forvarnaráætlanir (jafnréttis-, eineltis- og verndaráætlanir) yfirfarnar og gerðar virkar og kynntar vel fyrir öllum starfsmönnum og börnum. Þær gerðar sýnilegar og aðgengilegar öllum.
- Úttekt og viðurkenning
- Stöðumat endurtekið og allar kannanir lagðar fyrir aftur til þess að mæla árangur.
- Réttindaráð skilar greinagerð sem er deilt með skóla og frístundasviði.
- Umsjónarmenn og stjórnendur skila inn greinagerð.
- Ef skóli, frístundaheimili og/eða félagsmiðstöð, leikskóli uppfylla forsendur Réttindaskóla og -frístundar veitir UNICEF þeim viðurkenningu og í kjölfar þess mega skólar, leikskóli, frístundaheimili og félagsmiðstöðvar nota nafnbótina Réttindaskóli eða Réttindafrístund UNICEF.
- Fáni, viðurkenningarskjal og gardína Réttindaskóla og -frístundar UNICEF afhent.
- Endurmat
- Að þremur árum liðnum býðst skóla, frístundaheimili og/eða félagsmiðstöð, leikskóla að sækja um endurmat á viðurkenningunni. Til þess að fá endurmat þurfa skólar, frístundaheimili og félagsmiðstöðvar og leikskólar að fylgja sama ferli og áður, auk þess að gera grein fyrir hvernig tekið var mið af endurgjöf UNICEF. Ný aðgerðaáætlun er gerð og kláruð á þremur árum, réttindaráð heldur áfram að funda og unnið er markvisst að því að uppfylla markmið Réttindaskóla og -frístundar og Réttindaskóla á leikskólastigi og búa til heildarskólaumhverfi sem styður við réttindi barna.

Kostnaður

Innifalið í verkefninu er öll ráðgjöf og fræðsla sem UNICEF á Íslandi veitir umsjónarmönnum og réttindaráði. Fræðslan fer fram rafrænt og í vinnustofum. Starfsfólki stendur jafnframt til boða fræðslu- og stuðningsefni s.s. handbók fyrir innleiðinguna og verkefnahefti. UNICEF á Íslandi veitir aðgang að rafrænum spurningakönnunum. Kostnaður miðast við einn leikskóla annarsvegar og grunnskóla, frístundaheimili og félagsmiðstöð hinsvegar.

UNICEF á Íslandi ábyrgist að starfsfólk sem mætir í skóla, leikskóla, frístundaheimili og félagsmiðstöðvar á vegum samtakanna sé með hreint sakarvottorð.

Ráðgjöf og reglubundnir fundir

Mánaðarleg handleiðsla umsjónarmanna

Fyrirlögn á könnunum

Úttekt fyrir viðurkenningu

Námskeið og vinnustofur um Barnasáttmálann og innleiðinguna á hverju hausti

Úttekt fyrir viðurkenningu

Ferðakostnaður/veitingar

Fáni, handbækur og viðurkenning

Samtals: 1.135.000 kr.

Styrkur frá Mennta- og barnamálaráðuneyti - 50% = $567.500 \cdot 3 = 1.702.500$ kr.

Samtals greitt af Reykjavíkurborg 567.500.- kr. fyrir hvern leikskóla.

Samtals greitt af Reykjavíkurborg 567.500 fyrir hvern skóla, frístundaheimili og félagsmiðstöð.

Endurmat á viðurkenningunni er á 3 ára fresti og er kostnaðurinn við hvert endurmat 150.000 kr. og er sá kostnaður greiddur af skóla, frístundaheimili og félagsmiðstöð og leikskóla. Ef ekki er óskað eftir endurmati þremur árum eftir viðurkenningu missir skóli, frístundaheimili, félagsmiðstöð eða leikskóli viðurkenningu sem Réttindaskóli og -frístund UNICEF eða Réttindaskóli á leikskólastig.

Athugið að skóli, frístundaheimili og/eða félagsmiðstöð þurfa að sækja saman um endurmat, líkt og við innleiðingu.

Innleiðing verkefnisins tekur 2 ár. Skólar hafa hins vegar svigrúm í 3 ár til þess að ljúka við innleiðinguna. UNICEF metur ástæður og aðstæður með hverjum skóla, frístundaheimili og félagsmiðstöð auk leikskóla fyrir sig. Ef innleiðing tekur meira en 3 ár skal greiða aftur fullt gjald fyrir hvern skóla, frístundaheimili og félagsmiðstöð og skal skóla- og frístundasvið Reykjavíkurborgar greiða þann kostnað.

Heildarkostnaður sem skóla- og frístundasvið Reykjavíkurborgar greiðir UNICEF vegna verkefnisins á eftirfarandi starfsstöðvum borgarinnar: Leikskólarnir *Klambrar*, *Nóaborg*, *Bjartahlíð*, *Jöklaborg* og *Berg hefji innleiðingu Réttindaskóla UNICEF á leikskólastigi haustið 2025* nemur alls **2.837.500 kr.**

Samningsaðilum er óheimilt að framselja réttindi sín og/eða skyldur samkvæmt samningi þessum, í heild eða hluta, nema að fyrir fram fengnu skriflegu samþykki.

Um samning þennan fer eftir reglum Reykjavíkurborgar um styrki sem eru meðfylgjandi í viðauka II

